



REPUBLIKA E SHQIPËRISË  
MINISTRIA E SHËNDETËSISË  
DHE MBROJTJES SOCIALE  
INSTITUTI I SHËNDETIT PUBLIK

Nr. 1274/prot.  
/1

Tiranë, më 27.12.2023

MIRATOHET  
DREKTOR  
EUGENA TOMINI



**RREGULLORE**

**PËR  
PARANDALIMIN E KONFLIKTIT TË INTERESAVE NË USHTRIMIN  
E FUNKSIONEVE PUBLIKE  
NË INSTITUTIN E SHËNDETIT PUBLIK**

Tiranë, 2023

## **KREU I**

### **RREGULLA TË PËRGJITHSHME**

#### **Neni 1 Baza ligjore**

Rregullorja për parandalimin e konfliktit të interesave në Institutin e Shëndetit Publik, bazohet në ligjin nr. 9367, datë 07.04.2005 "*Për parandalimin e konfliktit të interesave në ushtrimin e funksioneve publike*", i ndryshuar, si dhe në ligjin nr. 9049, datë 10.04.2003 "*Për deklarimin dhe kontrollin e pasurive, të detyrimeve financiare të të zgjedhurve dhe të disa nëpunësve publikë*", i ndryshuar.

#### **Neni 2 Qëllimi**

Qëllimi i kësaj rregulloreje është deklarimi dhe mbajtja e përgjegjësive për deklarimin dhe kontrollin e pasurive, garantimi i një vendimmarrjeje të paanshme, transparente, në interesin më të mirë të mundshëm të publikut nga zyrtarët publikë të Institutit të Shëndetit Publik, si dhe ushtrimi i funksioneve nga punonjësit e Institutit të Shëndetit Publik, jo në kushtet e konfliktit të interesave.

#### **Neni 3 Objekti**

Objekti i kësaj rregulloreje është përcaktimi i rregullave, mjeteve, mënyrave, procedurave, përgjegjësive dhe kompetencave për zbatimin e detyrimeve ligjore për deklarimet e pasurive, si dhe identifikimin, deklarimin, regjistrimin, trajtimin, zgjidhjen dhe dënimin e rasteve të konfliktit të interesave.

#### **Neni 4 Përkufizime**

1. "Zyrtar" është çdo person, që kryen detyra dhe ushtron funksione publike në Institutin e Shëndetit Publik.
2. "Person i lidhur me një zyrtar të Institutit të Shëndetit Publik" është çdo person fizik ose juridik, i cili rezulton të ketë pasur ose të ketë lidhje interesi, pasurore ose vetjake jopasurore, me zyrtarin sipas përcaktimit të pikës 11, të nenit 3, të ligjit nr. 9367, datë 07.04.2005, i ndryshuar.
3. "Parim i proporcionalitetit" është raporti ndërmjet rëndësisë së detyrave, përgjegjësive dhe kompetencave të një zyrtari të Institutit të Shëndetit Publik, me masat për parandalimin e konfliktit të interesave, raport në të cilin sa më të rëndësishme të jenë detyrat, përgjegjësitë ose kompetencat e tij, aq më të shumta janë kufizimet e interesave vetjakë.

## **Neni 5**

### **Fusha e zbatimit**

1. Kjo rregullore përcakton norma të detyrueshme për t'u zbatuar nga çdo zyrtar, sipas kuptimit të këtij termi në pikën 1 dhe 2 të nenit 4 të kësaj rregulloreje, kur ai merr pjesë në një vendimarrje për akte e kontrata administrative, si dhe akte normative.
2. Dispozitat e kësaj rregulloreje janë të detyrueshme për t'u zbatuar nga:
  - a) çdo zyrtar i Institutit të Shëndetit Publik, që ndodhet në pozicione, ka përgjegjësi, kryen detyra ose ushtron kompetenca të llojeve konkrete, të përcaktuara shprehimisht në ligjin nr.9367, datë 07.04.2005, i ndryshuar, si dhe në ligjin nr.9049, datë 10.04.2003, i ndryshuar;
  - b) çdo zyrtar i Institutit të Shëndetit Publik, kur ai merr pjesë në një vendimarrje për akte dhe kontrata administrative;
  - c) çdo zyrtar i Institutit të Shëndetit Publik, kur ai merr pjesë në një vendimarrje për kontrata, që krijojnë marrëdhënie juridiko-civile.

## **Neni 6**

### **Vendimarrja dhe çastet paraprake të vendimarrjes**

1. Për qëllimet e kësaj rregulloreje:
  - a) vendimarrje për një akt do të vlerësohet, në çdo rast, çasti i fundit i procesit vendimarrës, gjatë të cilit vendoset përmbajtja përfundimtare e aktit;
  - b) vendimarrje për një akt do të vlerësohen edhe ato çaste paraprake të vendimarrjes, sipas shkronjës "a" të kësaj pike, të cilat janë thelbësisht të rëndësishme dhe përcaktuese për përmbajtjen përfundimtare të aktit, që përfshijnë, por nuk janë të kufizuara, si më poshtë:
    - i) hartimin e projektaktit nga zyrtari ose zyrtarët dhe dorëzimin organit apo zyrtarit kompetent për vendimarrje;
    - ii) dhënien e komenteve, mendimeve, sugjerimeve e çdo kontributi tjetër të dokumentuara, për këtë projektakt nga zyrtarë të tjerë, brenda apo jashtë institucionit;
    - iii) dhënien e komenteve, mendimeve, sugjerimeve e çdo kontributi tjetër të dokumentuara, nga çdo zyrtar si pasojë e kërkesave, pretendimeve apo informacioneve të subjekteve të interesuara për këtë projektakt;
    - iv) dhënien e komenteve, mendimeve, sugjerimeve e çdo kontributi tjetër të dokumentuara, të çdo zyrtari me kompetencë për të vendosur përfundimisht për aktin;
    - v) përfshirjen e çdo dokumenti paraprak, ndërmjetës dhe/ose shoqërues të një vendimarrjeje për një akt ose kontratë që lidhet kryesisht me organizimin, të ardhurat, shpenzimet, strategjitë, burimet njerëzore, funksionet, detyrat e përgjegjësitë administrative pa praninë e të cilëve nuk do të vendosej dhe mbështetej përmbajtja përfundimtare e projektaktit ose projekt-kontratës në tërësinë e tyre;
    - vi) çdo rast tjetër në përputhje me specifikat konkrete e përkatëse të misionit e të veprimtarisë së ISHP-së.

**Neni 7**  
**Kompetenca thelbësore dhe përcaktuese për një akt**

1. Një zyrtar i Institutit të Shëndetit Publik, ka kompetencë thelbësore dhe përcaktuese për një akt, nëse pjesëmarrja, ndikimi dhe qëndrimi i tij në vendimmarrjen për këtë akt, sipas nenit 6 të kësaj rregulloreje, përcaktojnë përmbajtjen e aktit.
2. Si kompetencë thelbësore e përcaktuese e një zyrtari për një akt, përfshihet, në secilin nga çastet paraprake të mësipërme të vendimmarrjes, mundësia për të ndikuar mbi vendimmarrjen që buron nga:
  - a) roli zyrtar urdhërues, propozues, këshillues, zbatues ose kontrollues i ushtruar, që rrjedh nga pjesëmarrja, ndikimi dhe qëndrimi në përgatitjen, negociimin, propozimin, këshillimin, miratimin, administrimin, kontrollin ose ekzekutimin e një akti apo kontrate;
  - b) zotërimi i informacionit, që lidhet kryesisht me të dhëna sensitive për subjektet dhe ose ish-subjektet e Institutit të Shëndetit Publik;
  - c) çdo shkak tjetër në përputhje me specifikat konkrete e përkatëse të funksionit e të veprimtarisë së zyrtarëve të Institutit të Shëndetit Publik;
3. Pavarësisht nga përcaktimet e pikave të mësipërme të kësaj rregulloreje, përbën çast paraprak të vendimmarrjes apo kompetencë thelbësore e përcaktuese për një akt ose kontratë çdo rast i vlerësuar si i tillë nga autoriteti përgjegjës i Institutit të Shëndetit Publik, i emëruar si i tillë nga Drejtori i Institutit të Shëndetit Publik.
4. Në secilin prej çasteve të mësipërme, zyrtari pjesëmarrës në vendimmarrje, me kompetencë thelbësore dhe përcaktuese, është i detyruar të deklarojë, në zbatim të pikës 1, të nenit 7, të ligjit nr.9367, datë 07.04.2005, i ndryshuar, nëse ka një interes privat që mund të shkaktojë rënien në konflikt interesi të çfarëdo lloji. Vetëdeklarimi bëhet nëpërmjet plotësimit të dokumentit tip për deklarime të këtij lloji.
5. Në të njëjtat raste, eprori ose institucioni epror mund t'i kërkojë zyrtarit të deklarojë rast pas rasti interesat privatë në zbatim të pikës 2, të nenit 7, të ligjit 9367 datë 07.04.2005, i ndryshuar.
6. Kur vlerësohet se ka rrezik për rënien në konflikt interesi të zyrtarit, veprohet sipas nenit 37 të ligjit nr. 9367, datë 07.04.2005, i ndryshuar.

**Neni 8**  
**Interesat privatë**

1. Interesat privatë të një zyrtari janë ata interesa që parashikon neni 5 i ligjit nr. 9367, datë 07.04.2005, i ndryshuar, e konkretisht:
  - a) të drejta dhe detyrime pasurore të çdo lloj natyre;
  - b) çdo marrëdhënie tjetër juridiko-civile;
  - c) dhurata, premtime, favore, trajtime preferenciale;
  - d) negocime të mundshme për punësim në të ardhmen nga ana e zyrtarit gjatë ushtrimit të

- funksionit apo negocime për çdo lloj forme tjetër marrëdhëniesh me interes privat për zyrtarin, pas lënies së detyrës, të kryer nga ai gjatë ushtrimit të detyrës;
- e) angazhime në veprimtari private me qëllim fitimi ose çdo lloj veprimtarie, që krijojnë të ardhura, si dhe angazhime në organizata fitimprurëse dhe jofitimprurëse, sindikata ose organizata profesionale, politike, shtetërore dhe çdo organizatë tjetër;
  - f) marrëdhënie:
    - i) familjare apo të bashkëjetesës;
    - ii) të komunitetit;
    - iii) etnike;
    - iv) fetare.
  - g) të njohura të miqësisë apo të armiqësisë;
  - h) angazhime të mëparshme, nga të cilat kanë buruar ose burojnë interesa të përmendur në shkronjat e mësipërme të këtij neni.
2. Kufizimet e interesave privatë, të përcaktuara shprehimisht në ligjin nr. 9367, datë 07.04.2005, i ndryshuar, zbatohen së bashku me kufizimet e të njëjtit interes privat, të përcaktuara shprehimisht në një ligj tjetër, sipas parimit, që zbatohet ai kufizim që është më i rreptë.
3. Nëse në ligjin nr. 9367, datë 07.04.2005, i ndryshuar, në lidhje me një interes të caktuar privat të një zyrtari, nuk është përcaktuar ndonjë kufi sasior i kufizimit të këtij interesi, ndërsa në një ligj tjetër i njëjti interes, me qëllim parandalimin e konfliktit të interesave, kufizohet shprehimisht sipas një kufiri sasior, atëherë ky kufizim zbatohet edhe për kriteret e përcaktuara në ligjin nr. 9367, datë 07.4.2005, i ndryshuar, dhe anasjellas.
4. Vlerësohet shkak për lindjen e konfliktit të interesit çdo lloj interesi privat i zyrtarit nga ata të përcaktuar në nenin 5 të ligjit nr.9367 datë 07.04.2005, i ndryshuar, çdo lidhje apo gërshetim ndërmjet dy a më shumë prej tyre, nëse për shkak të këtij interesi ose për shkak të daljes jashtë kufizimeve të detyrueshme të këtij interesi, shfaqet një gjendje me konflikt interesi, sipas përkufizimeve të pikave 1 e 4 të nenit 3 të ligjit të lartpërmendur.

## **KREU II**

### **PROCEDURAT DHE MJETET PËR IDENTIFIKIMIN DHE REGJISTRIMIN E KONFLIKTEVE RAST PAS RASTI TË INTERESAVE**

#### **Seksioni 1**

#### **Identifikimi dhe regjistrimi i interesave në kushtet e konflikteve rast për rast të interesave**

#### **Neni 9**

#### **Deklarimi rast për rast i interesave privatë të zyrtarit**

1. Çdo zyrtar, sipas përcaktimit të këtij termi në pikat 1 e 2 të nenit 5 të kësaj rregulloreje, në

ushtrimin e kompetencave ose në kryerjen e detyrave të tij funksionale ose të ngarkuara përkohësisht, në bazë të njohjes së tij dhe në mirëbesim, detyrohet të bëjë vetëdeklarim paraprak, rast për rast, të ekzistencës së interesit të tij privat, që mund të bëhet shkak për lindjen e konfliktit të interesit.

2. Deklarimi rast për rast i interesave privatë bëhet çdo herë kur kjo kërkohet nga eprori ose nga institucioni epror.
3. Deklarimi, si rregull duhet kërkuar dhe bërë paraprakisht. Kur kjo nuk është e mundur ose kur nuk ka ndodhur, deklarimi kërkohet dhe bëhet sa më shpejt të jetë e mundur.
4. Vetëdeklarimi ose deklarimi me kërkesë bëhet me shkrim, kur zyrtari ose punonjësi përfshihet në një vendimmarrje për një akt.

#### **Neni 10**

##### **Identifikimi i interesave privatë të zyrtarit nga persona të tretë**

1. Ofrimi i informacionit, për interesat privatë të zyrtarit në Institutin e Shëndetit Publik, është:
  - a) detyrë e çdo zyrtari që ka dijani;
  - b) e drejtë e palëve të interesuara dhe e çdo personi, që ka dijani dhe që ka një interes në përgjithësi e që përputhet me qëllimin e ligjit nr. 9367, datë 07.04.2005, i ndryshuar.

#### **Neni 11**

##### **Lëshimi i autorizimit nga zyrtari i Institutit të Shëndetit Publik**

1. Instituti i Shëndetit Publik, vë në dispozicion të zyrtarëve të saj modelin e autorizimit, në formë e në përmbajtje, që ata duhet të lëshojnë.
2. Në rastin e emërimit të punonjësit, autorizimi i plotësuar duhet të dorëzohet pranë Autoritetit Përgjegjës brenda 30 ditëve që nga momenti i fillimit të marrëdhënieve të punës.

#### **Neni 12**

##### **Autoritetet përgjegjëse për parandalimin, kontrollin dhe zgjidhjen e gjendjeve të konfliktit të interesave**

1. Autoriteti qendror përgjegjës për parandalimin, kontrollin dhe zgjidhjen e gjendjeve të konfliktit të interesave për Institutin e Shëndetit Publik, është ILDKPKI-ja.
2. Autoriteti ose strukturat përgjegjëse për zbatimin e këtij ligji sipas hierarkisë në ISHP janë:
  - a) Drejtori;
  - b) Nëndrejtorët;
  - c) përgjegjësit e departamenteve;
  - d) drejtorët e drejtorive sipas strukturës;
  - e) përgjegjësit e sektorëve.

**Neni 13**  
**Detyrat e Autoritetit Përgjegjës të Institutit të Shëndetit Publik**

1. Autoriteti Përgjegjës në ISHP kryen detyrat e mëposhtme:
  - a) mbledh dhe dokumenton interesat privatë të zyrtarëve të Institutit të Shëndetit Publik;
  - b) shpërndan dhe mbledh autorizimet e detyrueshme për t'u lëshuar nga zyrtarët e Institutit të Shëndetit Publik, sipas nenit 10, të ligjit nr. 9367, datë 07.04.2005, i ndryshuar, dhe nenit 9 të kësaj rregulloreje;
  - c) krijon regjistrin përkatës dhe mban regjistrimet rast për rast të konfliktit të interesit;
  - d) bazuar në regjistrimin dhe vlerësimin e interesave privatë të zyrtarëve të Institutit të Shëndetit Publik, u sugjeron atyre dhe/ose eprorëve të tyre, çështjet dhe momentet kur zyrtarët, dhe/ose eprorët e tyre duhet të tregohen të kujdesshëm për parandalimin e:
    - i. konfliktit rast për rast të interesit (faktik, në dukje dhe të mundshëm);
    - ii. konfliktit të vazhdueshëm të interesit;
  - e) mbështet eprorin e zyrtarit në vlerësimin e kryerjes së padrejtë të detyrave për shkak të konfliktit të interesit, në marrjen e masave disiplinore apo në propozimin për vendosjen e gjobave në rast kundërvajtjesh administrative të zyrtarit, në kuptim të ligjit nr.9367, datë 07.04.2005, i ndryshuar;
  - f) përgatit guida, informon, këshillon e trajnon zyrtarët në lidhje me këtë ligj, me të drejtat e detyrimit e tyre dhe me parandalimin sa më të mirë të konfliktit të interesave;
  - g) mbështet drejtorin dhe administratorin e ISHP-senë kryerjen e deklaramit periodik të interesave;
  - h) njofton zyrtarët dhe punonjësit e të Institutit të Shëndetit Publik për çdo këshillë apo udhëzim të ILDKPKI-së;
  - i) mbështet misionet monitoruese, vlerësuese apo të verifikimit dhe të hetimit administrativ të ILDKPKI-së për zyrtarët e këtij institucioni;
  - j) ndjek e zbaton detyra të tjera që i ngarkohen sipas kësaj rregulloreje ose urdhrave të Inspektorit të Përgjithshëm.

**Neni 14**  
**Regjistri i konflikteve rast për rast të interesave**

1. Për regjistrimet e konflikteve rast për rast të interesave të zyrtarëve në Institutin e Shëndetit Publik, krijohet regjistri me të njëjtin emër.
2. Regjistri i konflikteve rast për rast të interesave administrohet nga Autoriteti Përgjegjës i Institutit të Shëndetit Publik.

**Neni 15**  
**Regjistrimet rast për rast të konflikteve të interesit**

Autoriteti përgjegjës, për çdo rast të shfaqjes së një konflikti rast për rast të interesit, regjistron identitetin e zyrtarit të Institutit të Shëndetit Publik, interesat privatë të tij, shkak për konflikt interesi, thelbin e konfliktit, palët e interesuara, burimin e të dhënave, mënyrën e marrjes dhe të verifikimit të

tyre, si dhe vendimin që është marrë, mbështetur në këto të dhëna, përfshirë edhe vendimet e marra nga eprorët, nga Kuvendi ose nga gjykatat.

## **Seksioni 2**

### **Identifikimi dhe regjistrimi periodik i interesave privatë**

#### **Neni 16**

#### **Zyrtarët që mbartin detyrimin për deklaram periodik të interesave privatë**

1. Deklarimi i interesave privatë periodikë të zyrtarëve të ISHP-se, bëhet në përputhje me kërkesat e ligjit nr. 9367, datë 07.04.2005, i ndryshuar.
2. Zyrtarët e Institutit të Shëndetit Publik, të cilët janë të detyruar të bëjnë deklaram të interesave privatë periodikë, janë:
  - a) Drejtori
3. Gjithashtu, në zbatim të nenit 21 dhe 22 të ligjit nr. 9049, datë 10.04.2003, i ndryshuar, mbartin detyrim për deklaram të interesave privatë periodikë bashkëshorti/ja, bashkëjetuesi/ja dhe fëmijët madhorë të zyrtarëve të ILDKPKI-së, të përcaktuar në pikën 2 të këtij neni, edhe kur këta të fundit nuk janë në të njëjtën përbërje familjare në gjendjen civile me zyrtarin.
4. Çdo zyrtar i Institutit të Shëndetit Publik, i përcaktuar në pikën 2 të këtij neni, në rast largimi nga funksioni dhe në rast se nuk është më subjekt i deklaramit të interesave privatë periodikë në ILDKPKI, ose kur kalon në një pozicion që nuk mbart detyrimin për deklaram, është i detyruar që, brenda 15 ditëve nga data e largimit nga funksioni, të plotësojë dokumentin zyrtar “Deklaratë pas largimit nga funksioni”. Sektori i Burimeve Njerëzore dhe Sektori i Financës nuk mund të bëjnë dorëzimin e librezës së punës, të librezës së kontributeve shoqërore, të çdo dokumenti tjetër, si dhe pagimin e pagës së fundit dhe/ose shpërblimeve që mund t’i takojnë zyrtarit, në rast se ky i fundit nuk plotëson këtë detyrim ligjor.

#### **Neni 17**

#### **Llojet e interesave privatë që deklarohen periodikisht**

1. Interesat privatë, që deklarohen periodikisht, janë të përcaktuar në nenin 4 të ligjit nr. 9049, datë 10.04.2003, i ndryshuar, si vijon:
2. Subjektet e përcaktuara detyrohen të deklarojnë në Inspektoratin e Lartë të Deklaramit dhe Kontrollit të Pasurive dhe Konfliktit të Interesave brenda datës 31 mars të çdo viti, gjendjen deri më 31 dhjetor të vitit paraardhës të interesave privatë, burimet e krijimit të tyre, si dhe të detyrimeve financiare si më poshtë:
  - a) pasuritë e paluajtshme dhe të drejtat reale mbi to;
  - b) pasuritë e luajtshme, të regjistrueshme në regjistrat publikë;
  - c) sendet me vlerë të veçantë mbi 300 000 (treqindmijë) lekë;



- d) vlerën e aksioneve, të letrave me vlerë dhe pjesët e kapitalit në zotërim;
  - e) vlerën e likuiditeteve, gjendje në cash jashtë sistemit bankar, në llogari rrjedhëse, në depozitë, në bono thesari dhe në huadhënie, në lekë ose në valutë të huaj;
  - f) detyrimet financiare ndaj personave juridikë dhe fizikë, të shprehura në lekë ose në valutë të huaj;
  - g) të ardhurat personale për vitin, nga paga ose pjesëmarrja në borde, komisione ose çdo veprimtari tjetër që sjell të ardhura personale;
  - h) licencat dhe patentat që sjellin të ardhura.
  - i) dhuratat dhe trajtimet preferenciale, përfshirë identitetin e personit fizik ose juridik, prej nga vijnë apo krijohen dhuratat a trajtimet preferenciale. Nuk deklarohen dhurata ose trajtim preferencial kur vlera e tyre është më e vogël se 10 000 (dhjetë mijë) lekë, si dhe kur dy e më shumë dhurata ose trajtime preferenciale, të dhëna nga i njëjti person, së bashku, nuk e kalojnë këtë vlerë, gjatë së njëjtës periudhë deklarimi;
  - j) angazhime në veprimtari private me qëllim fitimi ose çdo lloj veprimtarie që krijon të ardhura, përfshirë çdo lloj të ardhure, të krijuar nga kjo veprimtari ose ky angazhim;
  - k) interesa privatë të subjektit, që përputhen, përmbajnë, bazohen ose burojnë nga marrëdhëniet familjare apo të bashkëjetesës;
  - l) çdo shpenzim i deklarueshëm, me vlerë mbi 300 000 (treqind mijë) lekë, i kryer gjatë vitit të deklarimit.
3. Interesat privatë të llojeve të tjera nga ato të përcaktuara në nenin 4 të ligjit nr. 9049, datë 10.04.2003, i ndryshuar, mund të kërkohen të deklarohen periodikisht, nëse kjo është e mundur dhe e përshtatshme për nënllaje interesash brenda këtyre llojeve, të përcaktuara me urdhër të Inspektorit të Përgjithshëm.

### **Neni 18**

#### **Mbrojtja për dhënien e informacioneve**

1. Çdo shtetas, i cili ofron informacion të bazuar për rastet e konfliktit të interesave të padeklaruara nga zyrtarët e Institutit të Shëndetit Publik, përfiton, mbrojtje të veçantë administrative, si më poshtë:
  - a) zyrtari i Institutit të Shëndetit Publik, për të cilin jepet informacion, nuk mund të ushtrojë asnjë kompetencë administrative me efekte ndëshkuese mbi shtetasin informues (qoftë ky dhe subjekt i ISHP-së), dhe as të bëhet pengesë për fitimin e të drejtave të ligjshme nga ky i fundit për shkak të dhënies së informacionit;
  - b) kur marrja e masës ndaj shtetasit që informon përcaktohet nga një shkak tjetër ligjor, ajo merret vetëm nga një zyrtar tjetër i ISHP-së, që qëndron në marrëdhënie varësie vertikale mbi zyrtarin, për të cilin është dhënë informacioni.
2. Nga parashikimi i pikës 1, gërma b, të këtij neni bën përjashtim rasti kur marrja e masës administrative bëhet në kushtet kur konflikti i vetëm i interesit i pashmangshëm i zyrtarit të ISHP-së është ai në dukje kur plotësohen kushtet e mëposhtme:
  - a) kur zyrtari i ISHP-së, është i pazëvendësueshëm në ushtrimin e funksioneve;
  - b) kur vetëpërjashtimi i zyrtarit është i pamundur, sepse është e pamundur delegimi i

- kompetencave të tij tek një zyrtar tjetër, për shkak të ligjit apo për shkak të situatës;
- c) kur vendimet e zyrtarit të ISHP-së, sipas rregullimeve me ligj, nuk i nënshtrohen miratimit, revokimit ose shfuqizimit nga një institucion epror;
  - d) kur nuk është i mundur transferimi a tjetërsimi i interesit privat, për shkak të natyrës së tij (si lidhje familjare, komunitare etj.);
  - e) kur nuk ka kuptim, që për një rast konflikti të tillë, zyrtari i ISHP-setë japë detyrimisht dorëheqjen nga funksioni. Në një rast të tillë, vendimet e këtij zyrtari i nënshtrohen një kontrolli dhe vlerësimi të veçantë nga Inspektori i Përgjithshëm ose nga Kuvendi, të ngarkuar me ligj për të kryer kontrollin e këtyre vendimeve. Vendimi dhe rezultatet e kontrollit bëhen kurdoherë publike.

### **Neni 19**

#### **Ndalimi i marrjes së dhuratave, favoreve, premtimeve ose trajtimeve preferenciale**

1. Është e ndaluar që një zyrtar në Institutin e Shëndetit Publik, të kërkojë, të pranojë ose të marrë, në mënyrë të drejtpërdrejtë a të tërthortë, për veten, për familjen, të afërmit, dhurata, favore, premtime ose trajtime preferenciale, të cilat i jepen për shkak të pozicionit të tij në Institutin e Shëndetit Publik, nga një individ, person fizik ose juridik privat, nga subjekte të deklaramit të interesave privatë periodikë në Institutin e Shëndetit Publik, kur kjo mund të shkaktojë lindjen e një konflikti interesi të çdo lloji, ose që ndikon ose duket sikur ndikon në paanshmërinë e kryerjes së detyrës a është ose duket sikur është shpërblim për mënyrën e kryerjes së detyrës zyrtare.
2. “Dhurata”, sipas kësaj rregulloreje ka të njëjtin kuptim të përcaktuar në ligjin nr.9367, datë 07.04.2005, i ndryshuar, dhe VKM-në nr.714, datë 22.10.2004. Nuk konsiderohen si dhurata, në kuptim të këtij neni, dhuratat, të cilat i ofrohen zyrtarit si pasojë e lidhjeve farefisnore apo njohjeve personale që ai ka me dhuruesit, si edhe në rastin kur është e qartë se dhurata nuk ka asnjë lidhje me pozicionin dhe cilësinë si nëpunës i administratës publike, të personit, që merr dhuratën.
3. Zyrtari nuk duhet që, në mënyrë të drejtpërdrejtë ose të tërthortë, të japë dhurata ose të ndërmjetësojë për të dhënë dhurata për një zyrtar të një niveli më të lartë apo të afërm të tij dhe as të kërkojë ose të pranojë dhurata nga zyrtarë të një niveli më të ulët ose të afërm të tij, për shkak të cilësive dhe raporteve zyrtare.
4. Rregullat e mësipërme nuk zbatohen në rastin e ftesave të zakonshme apo kur janë të ftuar punonjës ose kolegë të tjerë, të mikpritjes tradicionale, dhuratave me vlerë simbolike apo tradicionale dhe të mirësjelljes, brenda kufijve normalë të traditës, zakoneve dhe praktikës së përditshme, të cilat nuk krijojnë dyshime për paanësinë e nëpunësit.
5. Pranimi dhe vlerësimi i dhuratave bëhet sipas rregullave të përcaktuara në nenin 23 të ligjit nr. 9367, datë 07.04.2005, i ndryshuar, dhe në VKM-në Nr. 874, datë 29.9.2021.
6. Në asnjë rast zyrtari i Institutit të Shëndetit Publik, nuk duhet të pranojë dhurata në vlerë monetare.

7. Përfshihen vetëm rastet e përcaktuara me akte të organeve kompetente, të cilat lejojnë pranimin e dhuratave apo trajtimeve preferenciale për arsye protokollare.

#### **Neni 20**

##### **Prania dhe kufizimi i interesave privatë të personave të lidhur me zyrtarin**

1. Persona të lidhur me zyrtarin e Institutit të Shëndetit Publik, për kufizimet e interesave privatë të zyrtarëve, të përcaktuar në nenet 16 e 17 të kësaj rregulloreje, janë përkatësisht:
  - a) bashkëshorti/ja, bashkëjetuesi/ja, fëmijët në moshë madhore, prindërit e zyrtarit e të bashkëshortit/es, bashkëjetuesit/es;
  - b) çdo person fizik ose juridik, i cili, në lidhje me dhuratën, favorin, premtimin ose trajtimin preferencial, luan rolin e ndërmjetësit a të shkëmbyesit të interesave të lindur nga ky veprim.
2. Ndalimet dhe kufizimet për zyrtarin e Institutit të Shëndetit Publik, të përcaktuara në këtë rregullore, zbatohen edhe për personat e lidhur me të, në përputhje me pikën 1 të këtij neni.
3. Përsa i përket kufijve të zotërimit të aksioneve ose të pjesëve në kapital, për zyrtarin e Institutit të Shëndetit Publik, dhe personin e lidhur me të, zbatohen drejtëpërdrejt parashikimet e nenit 24, pikat 4 e 5, si dhe nenit 35, pikat 2 e 3, të ligjit nr.9367, datë 07.04.2005, i ndryshuar.

#### **Neni 21**

##### **Mënyrat e trajtimit dhe të zgjidhjes së konfliktit të interesave**

Mënyrat e trajtimit dhe të zgjidhjes së konfliktit të interesave për zyrtarët/punonjësit e Institutit të Shëndetit Publik, bëhen sipas kreut IV të ligjit nr. 9367, datë 07.04.2005, i ndryshuar.

#### **Neni 22**

##### **Ndalimi i shpërdorimit të së drejtës**

1. Asnjëra nga dispozitat e kësaj rregulloreje nuk mund të interpretohet sikur i jep zyrtarëve të Institutit të Shëndetit Publik, të drejta që të ndërmarrin ndonjë veprimtari ose të kryejnë ndonjë akt që synon cenimin e parashikimeve dhe rregullave të përcaktuara në ligjin nr.9367, datë 07.04.2005, i ndryshuar, dhe në këtë rregullore.
2. Në mungesë të parashikimeve të veçanta në këtë rregullore, zbatohen drejtëpërdrejt dispozitat e përcaktuara në ligjin nr. 9367, datë 07.04.2005, i ndryshuar.

#### **Neni 23**

##### **Hyrja në fuqi**

Kjo rregullore hyn në fuqi menjëherë.



REPUBLIKA E SHQIPËRISË  
MINISTRIA E SHËNDETËSISË  
DHE MBROJTJES SOCIALE  
INSTITUTI I SHËNDETTIT PUBLIK

Aneks nr. 1

Nr. \_\_\_\_\_ Prot.

Tiranë më, \_\_\_\_ . \_\_\_\_ . \_\_\_\_

**A U T O R I Z I M**

Unë, i nënshkruari, \_\_\_\_\_

(emër, atësi, mbiemër)

me funksion \_\_\_\_\_

(emërtimi i funksionit dhe institucionit publik)

në datën \_\_\_\_ / \_\_\_\_ / \_\_\_\_\_, në respekt të detyrimit tim ligjor sipas nenit 10, pika 2, si dhe nenit 41, pika 2 e ligjit nr. 9367, datë 7.04.2005, "Për parandalimin e konfliktit të interesave në ushtrimin e funksioneve publike", autorizoj Institutin e Shëndetit Publik që të kryejë kontroll dhe të sigurojë të dhëna vetjake për personin tim, kudo ku ato janë të regjistruara dhe që lidhen me llojet e interesave privatë të përcaktuar në nenin 5, me përjashtim të atyre të dhënave personale të përcaktuara në pikën 4 të nenit 7 të këtij ligji.

Autorizimi ka vlerë për të gjithë kohën që unë ushtroj detyrën publike, e cila është subjekt i kontrollit dhe i verifikimit sipas ligjit nr. 9367, datë 7.04.2005, "Për parandalimin e konfliktit të interesave në ushtrimin e funksioneve publike".

Gjithashtu, ky autorizim ka vlerë për çdo kohë, pavarësisht nga mosvazhdimi i detyrës sime publike, por vetëm për ato të dhëna të interesave të mi privatë, të cilët mund të lidhen me ushtrimin e detyrës publike në kohën e ushtrimit të saj.

Të gjitha veprimet për të kryer kontroll dhe për të siguruar të dhëna personale, të kryera nga institucionet ose personat e autorizuar prej tyre, i konsideroj sikur janë kryer nga unë vetë.

Çdo person fizik ose juridik, publik ose privat, nuk duhet t'u nxjerrë pengesë personave konkretë që posedojnë origjinalin ose kopjen e njehsuar me origjinalin të këtij autorizimi e të ngarkuar zyrtarisht, sipas ligjit për të kryer kontroll dhe për të siguruar të dhëna të interesave të mi privatë. Në bazë të ligjit nr. 9887, datë 10.03.2008 "Për mbrojtjen e të dhënave personale" i ndryshuar, personi i ngarkuar për mbledhjen dhe verifikimin e të dhënave, që vihet në dijeni për të dhënat personale të autorizuesit, detyrohet të ruajnë konfidencialitetin dhe besueshmërinë edhe pas përfundimit të funksionit.

Këto të dhëna nuk përhapen, përveç rasteve të parashikuara me ligj.

**A U T O R I Z U E S I**

**D R E J T O R I**



REPUBLIKA E SHQIPËRISË  
MINISTRIA E SHËNDETËSISË  
DHE MBROJTJES SOCIALE  
INSTITUTI I SHËNDETTIT PUBLIK

Aneks nr. 2

Nr. \_\_\_\_\_ Prot.

Tiranë më,

DEKLARIM

RAST PËR RAST I INTERESAVE PRIVATË TË ZYRTARIT  
NË USHTRIMIN E FUNKSIONEVE PUBLIKE

**Kush mbart detyrimin për deklaram rast për rast të interesave privatë**

Të gjithë zyrtarët e përcaktuar në nenin 4 të ligjit nr. 9367, datë 07.04.2005, "Për parandalimin e konfliktit të interesave në ushtrimin e funksioneve publike" i ndryshuar, si dhe në rregulloren e brendshme të institucionit.

**Llojet e deklaramit:**

- 1- Vetëdeklaram paraprak rast për rast të ekzistencës së interesave privatë, që mund të bëhen shkak për lindjen e një konflikti interesi.
- 2- Deklaram rast për rast i interesave privatë të një zyrtari kur kërkohet nga eprori ose institucioni epror.

**Të dhëna personale:**

Emri	Atësia	Mbiemri	Funksioni	Institucioni
_____	_____	_____	_____	_____

Lloji i deklaramit: (Vendos X në kutizën për llojin e deklaramit.)

Me kërkesë të \_\_\_\_\_

Vetëdeklaram

**Vërtetohet se deklaratimet e bëra në vijim nga unë janë të plota, të vërteta, të sakta dhe mbaj përgjegjësi ligjore për vërtetësinë e tyre.**

1- Përshkrimi i hollësishëm i interesave privatë që bëhen shkak për një konflikt interesi:

---

2- Përmbajtja e kufizimit ligjor në ushtrimin e funksioneve publike që bëhet shkak për një konflikt interesi:

---

3- Mënyra e zgjidhjes së konfliktit të interesave:

---

Data e dorëzimit të deklaratës: \_\_\_\_\_

**emri, mbiemri, nënshkrimi**

---



REPUBLIKA E SHQIPËRISË  
 MINISTRIA E SHËNDETTËSISË  
 DHE MBROJTJES SOCIALE  
 INSTITUTI I SHËNDETTIT PUBLIK

Nr. \_\_\_\_\_ prot.

Tiranë më, .....

**REGJISTRI VJETOR I EVIDENTIMIT DHE ZGJIDHJES SË RASTEVE TË KONFLIKTIT TË INTERESAVE**

NR.	EMRI	ATËSIA	MBIEMRI	FUNKSIONI	Data e evidentimit	Përshkrimi i konfliktit të interesit	Burimi i të dhënave dhe verifikimi	Mënyra dhe data e zgjidhjes së konfliktit	Shënime
1									
2									
3									
4									
5									

**Shënim:** Ky regjistër është pjesë e raportit vjetor për veprimtarinë e kryer në zbatim të ligjit nr. 9367, datë 07.04.2005, ‘Për parandalimin e konfliktit të interesave në ushtrimin e funksioneve publike’, në të cilin duhet të evidentohen rastet e konflikteve të interesave, mënyrat e ndjekura për parandalimin ose trajtimin e tyre, rezultatet e arritura, si dhe çështjet e lidhura me deklarimin periodik. Sqarimet në lidhje me rastet e konflikteve të interesave të detajohen në raportin vjetor të autoritetit përgjegjës.

**Regjistri vjetor i evidentimit dhe zgjidhjes së konfliktit të interesave duhet të dërgohet i plotësuar në Inspektoratin e Lartë brenda datës 31 janar të çdo viti.**

**AUTORITETI PËRGJEGJËS**



REPUBLIKA E SHQIPËRISË  
MINISTRIA E SHËNDETËSISË  
DHE MBROJTJES SOCIALE  
INSTITUTI I SHËNDETTIT PUBLIK

Aneks nr. 4

Nr. \_\_\_\_\_ Prot.

Tiranë më, \_\_\_/\_\_\_/\_\_\_

**URDHËR**

Nr. \_\_\_\_\_, dt. \_\_\_\_ . \_\_\_\_ . \_\_\_\_

**PËR**

**“NGRITJEN E AUTORITETIT PËRGJEGJËS PËR PARANDALIMIN E  
KONFLIKTIT TË INTERESAVE”**

Në mbështetje të nenit 41, pika 2, germa “b”, si dhe nenit 42, pika 3 e ligjit nr. 9367, datë 7.04.2005,  
“Për parandalimin e konfliktit të interesave në ushtrimin e funksioneve publike” i ndryshuar,

**URDHËROJ:**

1. Ngritjen e autoritetit përgjegjës për parandalimin e konfliktit të interesave.
2. Caktimin e:
  - znj/z. \_\_\_\_\_, me detyrë ;
  - znj/z. \_\_\_\_\_, me detyrë ;
  - znj/z. \_\_\_\_\_, me detyrë, ,si anëtarë të njësisë autoritet përgjegjës për parandalimin e konfliktit të interesave.
3. Drejtuesi i njësisë autoritet përgjegjës caktohet z./znj. \_\_\_\_\_. Drejtuesi i njësisë bën ndarjen e punës mes anëtarëve.
4. Njësia e ngritur në pikën 1 të këtij urdhri si autoritet përgjegjës, do të mbajë në vijimësi kontaktet me Inspektoratin e Lartë të Deklarimit dhe Kontrollit të Pasurive dhe Konfliktit të Interesave.  
Ky urdhër hyn në fuqi menjëherë.

**DREJTOR**

\_\_\_\_\_



## Aneks nr. 5

### Administrimi i dokumentacionit nga autoriteti përgjegjës

Për administrimin e këtij dokumentacioni autoriteti përgjegjës duhet të mbajë dosjet e mëposhtme.

1. Dosja nr. 1, me titull “Për aktet ligjore dhe nënligjore”, duhet të përmbajë:
  - ligjin nr. 9049, datë 10.04.2003, “Për deklarin dhe kontrollin e pasurive, të detyrimeve financiare të të zgjedhurve dhe disa nëpunësve publikë” (i ndryshuar);
  - ligjin nr. 9367, datë 7.04.2005, “Për parandalimin e konfliktit të interesave në ushtrimin e funksioneve publike” (i ndryshuar);
  - ligjin nr. 8485, datë 12.05.1999, Kodi i Procedurave Administrative;
  - ligjin nr. 9131, datë 8.09.2003, “Për rregullat e etikës në administratën publike”;
  - ligjin nr. 8503, datë 30.06.1999, “Për të drejtën e informimit për dokumentet zyrtare”;
  - ligjin nr. 9887, datë 10.03.2008, “Për mbrojtjen e të dhënave personale”;
  - ligjet organike në varësi të veprimtarisë së institucionit publik;
  - komentaret ligjorë të ILDKPKI-së;
  - urdhra dhe udhëzime të ILDKPKI-së ose të çdo institucioni tjetër të ngarkuar me ligj për këtë qëllim;
  - botime të tjera të ILDKPKI-së.
2. Dosja nr. 2, me titull “Për identifikimin dhe regjistrimin e konfliktit rast për rast të interesave”, duhet të përmbajë:
  - a. regjistrin e konfliktit rast për rast të interesave, në formë libri, të sekretuar, sipas formatit të Aneksit nr. 3;
  - b. autorizimet e plotësuara nga zyrtarët për deklarin rast për rast të interesave, sipas formatit të Aneksit nr. 1;
  - c. deklaratat e plotësuara nga zyrtarët për konfliktin rast për rast të interesave, sipas formatit të Aneksit nr. 2;
  - d. informacionet e marra nga publiku, nga media apo nga burime të tjera të ligjshme për konfliktin rast për rast të interesave të zyrtarëve;
  - e. verifikimet e bëra në regjistrat publikë dhe privatë.
3. Dosja nr. 3, me titull “Për regjistrimin e deklarimeve periodike të pasurive dhe interesave të zyrtarëve që bartin detyrimin për ILDKPKI”, duhet të përmbajë:

- regjistrin themeltar alfabetik, me emrat dhe funksionet e zyrtarëve që deklarojnë në ILDKPKI, sipas formatit të Aneksit nr. 7;
- kopje të njoftimeve ndaj zyrtarëve për deklarim dhe konfirmimet e tyre, sipas formatit të Aneksit nr. 11 dhe të Aneksit nr. 12;
- kopje të shkresave për deklaratat e dorëzuara në ILDKPKI;
- kopje të formularit për listën e zyrtarëve që nuk kanë deklaruar në afat dhe shkaqet e mosdeklarimit në afat, sipas Aneksit nr. 10;
- librin për dorëzimin e deklaratave të pasurisë, ku zyrtari nënshkruan për datën e dorëzimit, sipas Aneksit nr. 9.

**Kujdes:** Në rast largimi nga detyra të autoritetit përgjegjës, zyrtari/zyrtarët duhet të bëjnë dorëzimin e plotë të dokumentacionit të mësipërm me procesverbal dhe inventar të detajuar pranë Drejtorisë/Njësisë së Burimeve Njerëzore, e cila më pas ia dorëzon zyrtarit/zyrtarëve të rinj.



Aneks nr. 6

REPUBLIKA E SHQIPËRISË  
MINISTRIA E SHËNDETËSISË  
DHE MBROJTJES SOCIALE  
INSTITUTI I SHËNDETTIT PUBLIK

Nr. \_\_\_\_\_ Prot.

Tiranë më, \_\_/\_\_/\_\_

**DEKLARIM**

**PËR KONFLIKTIN E VAZHDUESHËM TË INTERESAVE PRIVATË NGA ZYRTARI  
NË USHTRIMIN E FUNKSIONIT PUBLIK**

**Mbartin detyrimin për deklaram të konfliktit të vazhdueshëm të interesave privatë:**

Të gjithë zyrtarët e përcaktuar në nenin 4 të ligjit nr. 9367, datë 07.04.2005, "Për parandalimin e konfliktit të interesave në ushtrimin e funksioneve publike", i ndryshuar, si dhe në rregulloren e brendshme të institucionit publik.

**Llojet e deklaramit:**

- 1- Vetëdeklaram para fillimit të detyrës të ekzistencës së interesave privatë, të cilët bëhen shkak për lindjen e konfliktit të vazhdueshëm të interesave.
- 2- Deklaram i interesave privatë të një zyrtari kur kërkohet nga eprori ose institucioni epror, për shkak të funksionit.

**Të dhëna personale:**

Emri	Atësia	Mbiemri	Funksioni	Institucioni
_____	_____	_____	_____	_____

Lloji i deklaramit: (Vendos X në kutizën për llojin e deklaramit.)

- Vetëdeklaram  
 Me kërkesë të \_\_\_\_\_

**Vërtetohet se deklaramet e bëra në vijim nga unë janë të plota, të vërteta, të sakta dhe mbaj përgjegjësi ligjore për vërtetësinë e tyre.**

1- Përshkrimi i hollësishëm i interesave privatë që bëhen shkak për një konflikt interesi:

---

2- Përmbajtja e kufizimit ligjor në ushtrimin e funksioneve publike që bëhet shkak për një konflikt interesi:

---

3- Mënyra e zgjidhjes së konfliktit të interesave:

---

Data e dorëzimit të deklaratës \_\_\_\_\_

**emri, mbiemri, nënshkrimi**

---

Aneks nr. 7



REPUBLIKA E SHQIPËRISË  
MINISTRIA E SHËNDEJTËSISË  
DHE MBROJTJES SOCIALE  
INSTITUTI I SHËNDETTIT PUBLIK

Nr. \_\_\_\_\_ Prot.

.....

Tiranë më, \_\_\_/\_\_\_/\_\_\_\_\_

**REGJISTRI THEMELTAR ALFABETIK PËR SUBJEKTET QË MBARTIN DETYRIM PËR  
DEKLARIM TË PASURIVE NË ILDKPKI**

NR.	EMRI	ATËSIA	MBIEMRI	FUNKSIONI	Data e emërimit	Data e largimit	Data e deklarimit sipas viteve	Shënime	Alfabetiku
1									
2									
3									
4									
5									

**AUTORITETI PËRGJEGJËS**



REPUBLIKA E SHQIPËRISË  
MINISTRIA E SHËNDETËSISË  
DHE MBROJTJES SOCIALE  
INSTITUTI I SHËNDETTIT PUBLIK

Aneks nr. 8

Nr. \_\_\_\_\_ Prot.

Tiranë më, \_\_/\_\_/\_\_

**LISTA E ZYRTARËVE QË MBARTIN DETYRIM PËR DEKLARIM VJETOR TË  
INTERESAVE MË 31 DHJETOR TË ÇDO VITI**

NR.	EMRI	ATËSIA	MBIEMRI	FUNKSIONI	INSTITUCIONI
1					
2					
3					
4					
5					

**AUTORITETI PËRGJEGJËS**

\_\_\_\_\_

**Shënim: Dërgohet i plotësuar në Inspektoratin e Lartë brenda datës 15 janar të çdo viti, lista e zyrtarëve që mbartin detyrim për deklarim vjetor të interesave, me shkresë përcjellëse të nënshkruar nga titullari i institucionit.**



REPUBLIKA E SHQIPËRISË  
MINISTRIA E SHËNDETËSISË  
DHE MBROJTJES SOCIALE  
INSTITUTI I SHËNDETTIT PUBLIK

Aneks nr. 9

Nr. \_\_\_\_\_ Prot.

Tiranë më, \_\_\_ / \_\_\_ / \_\_\_

LISTA E ZYRTARËVE QË KANË DORËZUAR DEKLARATËN E INTERESAVE DERI  
MË 31 MARS TË VITIT \_\_\_\_\_

NR.	EMRI	ATËSIA	MBIEMRI	FUNKSIONI	INSTITUCIONI	DATA E DORËZIMIT TË DEKLARATËS/ NËNSHKRIMI
1						
2						
3						
4						
5						

AUTORITETI PËRGJEGJËS

\_\_\_\_\_



REPUBLIKA E SHQIPËRISË  
MINISTRIA E SHËNDETËSISË  
DHE MBROJTJES SOCIALE  
INSTITUTI I SHËNDETTIT PUBLIK

Aneks nr. 10

Nr. \_\_\_\_\_ Prot.

Tiranë më, \_\_\_/\_\_\_/\_\_\_

**LISTA E ZYRTARËVE QË NUK KANË DORËZUAR DEKLARATËN E INTERESAVE**

NR.	EMRI	ATËSIA	MBIEMRI	FUNKSIONI	INSTITUCIONI	SHKAKU I MOSDORËZIMIT
1						
2						
3						
4						
5						

**AUTORITETI PËRGJEGJËS**

\_\_\_\_\_

**Shënim:** Dërgohet i plotësuar në Inspektoratin e Lartë brenda datës 15 prill të çdo viti, lista e zyrtarëve që mbartin detyrim për deklarim vjetor të interesave dhe nuk e kanë dorëzuar atë.





---

REPUBLIKA E SHQIPËRISË  
MINISTRIA E SHËNDETËSISË  
DHE MBROJTJES SOCIALE  
INSTITUTI I SHËNDETTIT PUBLIK

Aneks nr. 11

Nr. \_\_\_\_\_ Prot.

Tiranë më, \_\_/\_\_/\_\_

**VËRTETIM**

Zoti/Zonja \_\_\_\_\_, me funksion \_\_\_\_\_, në institucionin e Institutit të Shendetit Publik, më datë \_\_\_\_\_ ka dorëzuar deklarin e interesave për periudhën \_\_\_\_\_.

Së bashku me deklarin e vet, në zarf ka vendosur edhe deklarin e bashkëshortit/es, bashkëjetuesit/es dhe fëmijëve madhorë, sipas rastit, \_\_\_\_\_ të cilët mbartin detyrim për deklarin të interesave në institucionin e e Institutit të Shendetit Publik.

**AUTORITETI PËRGJEGJËS**

---

**Aneks nr. 12**

Nr. \_\_\_\_\_ Prot.

Tiranë më, \_\_\_/\_\_\_/\_\_\_

**NJOFTIM**

Zoti/Zonja \_\_\_\_\_, me \_\_\_\_\_ funksion

\_\_\_\_\_, në institucionin e Institutit të Shendetit  
Publiktë      Apelimit,      njoftoheni      se      brenda      datës

\_\_\_\_\_,  
keni detyrimin për të dorëzuar deklarinin e interesave për periudhën \_\_\_\_\_.

Së bashku me deklarinin, në zarf duhet të vendosni edhe deklarinin e bashkëshortit/es, bashkëjetuesit/es dhe fëmijëve madhorë, sipas rastit, të cilët mbartin detyrim për deklarinin të interesave në institucionin e Institutit të Shendetit Publik.

**AUTORITETI  
PËRGJEGJËS**